



KOMUNIKADO PA PRENSA

Fecha
9 di aprel 2016

Kontakto
Kabinèt Minister VVRP

MINISTER CAMELIA-RÖMER SU BISHITA NA MINISTER DI ENSEÑANSA BUSSEMAKER A TRESE: KOPERASHON RIBA MANEHO DI MONUMENTO I PATRIMONIO MUNDIAL

Willemstad – Minister di Tráfiko, Transporte i Planifikashon Urbano (mihó konosí komo VVRP), sra. Suzy Camelia-Römer tabatin un enkuentro di trabou ku Minister di Enseñansa, Kultura i Siensia di Hulanda, sra. Bussemaker den kuadro di nos siudat Willemstad, ku otro aña ta selebrá 20 aña di rekonosementu komo Patrimonio Mundial dor di Unesco.

Kontrario ku na Kòrsou, na Hulanda ta e Minister di kultura ta enkargá ku Monumento i Patrimonio Mundial. A papia ku Minister Bussemaker tokante e koperashon mutuo riba e terenonan di Maneho i Patrimonio Mundial. A kumbiní ku lo traha riba un akuerdo di trabou, esta un protokòl riba e áreanan ariba menshoná.

Komo ku e puntonan di koperashon ta riba maneho di nos sentro di siudat históriko, Minister Camelia-Römer a duna su kolega Minister Bussemaker e plan di maneho di Willemstad, ku a keda aprobá den Konseho di Minister siman pasá. Ku e plan aki lo atendé den un forma mas estrecho ku e maneho i e proyektonan konkreto den nos sentro di siudat i alabes ta kumpli ku eksigensianan di Unesco.

Tambe a papia riba un seri di nos lanthùisnan ku ta den un trayekto pa bira Patrimonio Mundial di Unesco. Minister Camelia-Römer a splika ku su ministerio ta pone sèn disponibel pa nos por kaba ku e dokumentashon nesesario pa fin di 2018 . Di su banda Minister Bussemaker a comprometé pa pone ekspertonan disponibel.

Por último, a para ketu na un proyekto komun, esta e bòrchinan riba kaya ku indikashon di “Willemstad World Heritage”. E bòrchinan ta parti di un plan mas grandi pa bai duna mas atenshon i informashon tokante nos Patrimonio Mundial.

Den kuadro di e koperashon ta e intenshon pa Minister Bussemaker bishitá nos pais promé ku fin di e aña aki.